

黃氏逸書考

漢學堂經解

逸書考

崔靈恩三禮義宗

甘泉黃奭學

筮用三代之占若三占之俱主凶則止不卜  
卽鄭注周禮筮凶則止是也若三占二逆一  
從凶猶不決雖有筮逆猶得更卜

尚書洪範疏○又春

秋疏引崔義云國之大事先筮而後卜筮凶則止不卜者筮必以三代之法若三法皆凶則止不卜若兩法是凶一法爲吉名爲筮逆猶是疑限故更卜以決之則洪範筮逆龜從是也故太卜掌三兆三易儀禮特牲少牢筮皆旅占按此文雖特詳而旨不殊故附錄之  
二王之後夫人各乘本國先王之上車魯之

大人乘重翟

毛詩彼禮疏

深衣不純采指謂當室不當室則純采所以然者當室之孤內理烝嘗外交宗族所履之事莫不傷心故特純素示哀也深衣不云當室者文畧耳

凡言先生謂年德俱高又教道於物者凡云長者直以年爲稱也凡爲君子者皆爲有德尊之不據年之長幼故所稱不同也

卿大夫燕飲主人面亦嚮尊若鄉飲酒皆主

人與賓夾尊也

大夫用已孫爲尸

皇侃用崔義

必載盟誓之辭者或尋舊盟或用舊會之社應須知之故載自隨也

軍行所置旌旗於四方以法天此旌之旒數皆放其星龍旗則九旒雀則七旒虎則六旒龜蛇則四旒皆放星數以法天也皆畫招搖於此四旗之上

外事指用兵之事內事指宗廟之祭者以郊

用辛社用甲非順其居外內剛柔故也祭社用甲所以召誥用戊者召誥是告祭非常禮也郊之用辛者唯夏至日午時迎氣用其初朔耳若園丘自用冬至日午時迎氣用其初朔之日不皆用辛

凡卜筮天子皆用三代著龜若三筮並凶則止而不卜鄭云若一吉一凶雖筮逆猶得卜之也則洪範所云者是也其大夫則大事卜小事筮大事則葬地及葬日爲事之大則卜

雜記云大夫卜宅與葬日是也其小事用  
則少年常祀筮日是也士亦大事卜小事  
故士喪禮卜葬日以喪葬爲重須定吉凶  
用卜也其尋常吉祭比葬爲輕故筮日也  
外既卜日得吉餘事皆吉可知故惟筮葬地  
不復用卜也

謹按洪所云句上與尚書春秋二疏詳畧互見其大夫卜文

義全無然語意  
祖蒙并錄之

謂不過三川若大事龜著並用者先用三王  
筮次用三王龜始如是一也三如是乃爲三

也若初始之時三筮三龜皆凶則止或逆多  
從少或從多逆少如此者皆至於三也單卜  
單筮其法唯一用而已不吉則擇遠日不至  
於三也前以用三王之龜筮者有逆有從故  
至三也此惟用一故不至三也。

初享圭璋特故有藻其餘則束帛加璧既有  
束帛則不須藻凡諸侯朝天子皆行三享之  
禮故大行人云公侯伯子男並云廟中將幣  
三享觀禮云四享者鄭註云四當爲二初享

毋用虎豹之皮其次享三牲魚腊龜金丹漆  
唯國所有分爲三享皆以璧帛致之若其臣  
出聘唯行一享故聘禮致夫人聘享唯一享  
也

裼所以異於襲者凡衣近體有袍襜之屬其  
外有裘夏月則衣葛其上有裼衣裼衣上有  
襲衣襲衣之上有常著之服則皮弁之屬也  
掩而不開則謂之爲襲若開此皮弁及中衣  
左袒露其裼衣謂之爲裼故鄭註聘禮云裼



者左袒也一玉之上若垂藻之時其人則褻  
屈藻之時其人則襲則褻襲不相因表記云  
褻襲不相因者彼謂各執其物執圭王者則  
襲受享者則褻與此同也

夷狄不識王化無有歸往之義故不稱王臨  
之也不云皇者戎狄不識尊極之理皇號尊  
大也夷狄唯知畏天故舉天子威之也

天地社稷是外神而祭之郊內不敢外之  
復所以呼天子者比王者皆感五精之帝而

生是天之子今天王崩是其精氣復還於上  
呼稱天子復更生之義

古者帝王生死同稱生稱帝者死亦稱帝生  
稱王者死亦稱王今云措之廟立之主曰帝  
蓋是爲記時有主入廟稱帝之義記者錄以  
爲法也

大夫士無主以幣帛祔祔竟竝還殯宮至小  
祔而入廟也

覲禮大國之君同姓謂之伯父異姓謂之伯

舅此小者同姓謂之叔父異姓謂之叔舅此  
各當一國不嫌敵二伯州牧雖爲侯封皆是  
大國之君本自稱伯牧今總攝衆國嫌其敵  
義故更稱叔

地道貴右公故在西也

諸侯春夏來朝各乘其命車至皐門外陳介  
也天子車時在大門內傳辭既訖則乘車出  
大門下車若升朝之時王但迎公自諸侯  
下則隨之而入更不別迎也入至文王廟門

天子還服朝服立於路門之外諸侯更易服朝服執贄而入應門而行禮故王當宁以待諸侯次第而進

凡形容下不得兼上上得兼下故詩有濟濟文王穆穆魯侯者詩人須美舉盛以爲言非

對例也

並曲禮疏

將小斂之時已括髮括髮後大夫以上加素弁士加素委貌至小斂訖乃投去其冠而見括髮喪大記云主人袒說髦括髮謂說去其

髦更正括髮非重爲括髮

諸侯三卿司徒兼冢宰司馬兼宗伯司空兼  
司寇三卿之下則五小卿爲五大夫故周禮  
太宰職云諸侯立三卿五大夫也五大夫者  
司徒之下立二人小宰小司徒司馬之下以  
其事省立一人爲小司馬兼宗伯之事司空  
之下立二人小司寇小司空今夫子爲司空  
者爲小司空也從小司空爲小司寇也並補  
三十年之間大畧有閏月十三足爲一年故

惟有九年之蓄

畿內有百里之國有五十里之國有二十五里之國天子燕畿內諸侯以緇衣燕畿外諸

侯以玄冠

並玉制疏

凡陰陽之管合有十二律律各爲一調迭相爲宮而生五聲合而成樂黃鐘宮最長爲聲調之始十二宮之主宮音者是五音之長故與黃鐘之調宮聲相應四時之律皆取氣應土主之律獨取聲應者一者欲與四行爲互

二者爲無別候土氣之管故也

月令疏

奔喪不見喪不改服謂才改素服而著免其

改吉服著布深衣素冠聞喪卽改之

曾子問疏

周禮大禘於大廟則備五齊三酒朝踐王酌  
泛齊后酌醴齊饋食王酌盞齊后酌醢齊朝  
獻王酌泛齊因朝踐之尊再獻后酌醢齊因  
饋食之尊諸侯爲賓則酌沈齊尸酢王與后  
皆還用所獻之齊賓長酌尸酢用清酒加爵  
亦用三酒大禘則用四齊三酒者醴齊以下

悉用之故禮運云玄酒在室醴醑在戶粢醑  
在堂澄酒在下用四齊者朝踐王酌醴齊后  
酌盎齊饋食王酌醴齊后酌沈齊朝獻王酌  
醴齊再獻后還酌沈齊亦尊相因也諸侯爲  
賓亦酌沈齊用三酒之法如祫禮也四時之  
祭惟二齊三酒則自祫禘以下至四時祭皆  
通用也二齊醴盎也故鄭注司尊彝四時祭  
法但云醴盎而已用二齊者朝踐王酌醴齊  
后亦酌醴齊饋食王酌盎齊后亦酌盎齊朝



獻王還用醴齊再獻后還用盎齊亦尊用因也諸侯爲賓亦酌盎齊三酒同於祫三酒所常同不差者三酒本爲王以下飲故尊卑自有常依尊卑之常不得有降祫禘時祭本明所用總有多少故正祭之齊有差降也魯及王者之後大祫所用於五禘之禮同若禘與下四時同用三酒亦同於王侯伯子男于禘皆用二齊醴盎而已三酒則並用二齊之法朝踐君夫人酌醴齊饋食君夫人酌盎齊朝

獻君還酌醴齊再獻夫人還酌盎齊諸臣爲  
賓酌盎齊尸酢君夫人用昔酒酢諸臣用清  
酒加爵皆清酒時祭之法用一齊故禮器云  
君親致祭夫人薦盎鄭云謂朝事時又云君  
親割牲夫人薦酒鄭云謂進孰時也其行之  
法朝踐君致祭則夫人薦盎爲獻進孰時君  
親割夫人薦酒朝獻時君酌盎齊以醑尸再  
獻時夫人還酌酒以終祭也賓獻皆酒加爵  
知禘祫之禮天子諸侯酌奠皆用齊酒鄭大

夫之祭酌奠皆用酒其祫禘之法既備玉齊三酒以實八尊祫祭在秋

大祫祭凡十八尊其明水烹酒之尊各在五齊三酒之上祭日之旦王服袞冕而入尸亦袞冕入在後侑之王不出迎尸故祭統云君不迎尸所以別嫌也尸入室乃作樂降神故大司馬云凡樂園鐘爲宮九變而降人鬼是也乃故書云王入太室裸當灌之時衆尸各就位廟中依次而灌所灌鬱鬯小宰註云

尸祭之啐之奠之是爲一獻也王乃出迎牲  
后從灌二獻也迎牲而入至於庭故禮器云  
納牲於庭王親執鸞刀啟其毛而祝以血  
毛告公室故禮器云血毛詔於室凡牲則廟  
各別十故公羊傳云周公白牡魯公騂犗按  
逸禮云毀廟之主昭其一牢穆其一牢於是  
行朝踐之事尸出於室太祖之尸坐於尸西  
南面其主在右昭在東穆在西相對坐主各  
在其右故鄭註祭統云天子諸侯之祭朝事

延尸於戶外是以有北面事尸之禮祝乃取  
牲胾膋燎於爐炭入以詔神於室又出以薦  
於主前郊特牲云詔祝於室坐尸於堂是也  
王乃洗肝於鬱鬯而燔之以制於主前所謂  
制祭次乃升牲首於室中置於北牖下后薦  
朝事之豆籩乃薦腥於尸主之前謂之朝踐  
卽此禮運薦其血毛腥其祖是也王乃以玉  
爵酌著尊泛齊以獻尸三獻也后又以玉爵  
酌著尊醴齊以亞獻四獻也知退而合享至

孰之時

故禮器云設於堂乃後

延尸入室太祖東面昭在南面穆在北面徙  
堂上之饌於室內坐前祝以罍爵酌

郊特牲註云天子奠罍諸侯奠角卽此  
之謂也取腸間脂炳蕭合馨郊

特牲註云奠謂薦孰時也樂也白此

以前謂之接祭乃迎尸入室舉此奠罍

以妥尸故郊特牲云舉罍角拜妥尸是也

后薦饌獻之豆邊王乃以玉爵酌壺尊盞齊

以獻尸爲五獻也后又以玉爵酌壺尊醴齊以獻尸是六獻也於是尸食十五飯訖王以玉爵用朝踐之尊泛齊以醑尸爲七獻也故鄭云變朝踐云朝獻尊相因也朝獻謂此王醑尸因朝踐之尊也后乃薦加豆邊尸酌酢主人主人受嘏王所以獻諸侯於是后以瑤爵因酌饋食壺尊醑齊以醑尸爲八獻也鄭註司尊彝云變再獻爲饋獻者亦稱相因也再獻后醑尸獻謂饋食時后之獻也於時王

可以瑤爵獻卿也諸侯爲賓者以瑤爵酌壺尊醢齊以獻尸爲九獻九獻之後謂之加爵

並禮運疏

諸侯貴者以琥賤者以璜則公侯以琥伯子男以璜也

按特牲少牢禮尸入舉奠觶是尊者舉解特牲主人受尸酢受角飲者是卑者舉角

並禮器

圖正之祭其初先燔柴及牲玉於正訖次乃掃正下而設正祭若夏正及五郊初則燔柴



及牲玉於壇故祭法云燔柴於泰壇祭天也  
次別於壇下掃地而設正祭故禮器云至敬  
不壇掃地而祭

玉當神州同用兩圭有邸以四望亦用兩圭  
故也

用大裘爲崑崙之神玉則用黃琮

周禮之法郊天燔柴爲始宗廟以禋地爲始  
社稷以血爲始小祀鬯辜爲始

一歲有四迎氣之時祭日於東祭月於西故

小宗伯云兆五帝於四郊四望四類亦如之  
是其一也春分朝日秋分夕月是其二也此  
等二祭日之與月各祭於一處日之與月皆  
爲壇而祭所謂王宮祭日夜明祭月皆爲燔  
柴也夏正郊天之時而主日配以月祭義云  
大報天而主日配以月是其三也孟冬大蜡  
之時又祭日月故月令孟冬祈來年於天宗  
是其四也此三祭并祭日月共在一處則祭  
日於壇祭月於坎壇則實柴坎則瘞埋也

並郊

崔靈恩三禮義宗

十三

特牲疏○按祭義疏又引崔說云日月有合祭之時謂郊祭天而主日配以月其禮大用牛有各祭之時謂春分朝日秋分夕月其禮小故祭法用少牢義與此同

君必中門者謂當棖闌之中主君在闌東賓在闌西主君上擯在君之後稍近西而拂闌賓之上介在賓之後稍近東而拂闌大夫擯介各當君後在棖闌之中央

玉藻疏

廟祫祭用十八尊祫在秋禘祭用十六尊禘在夏也

明堂位疏

立義既載五服變除今要舉變除之旨凡親

始死將三年而皆去冠笄纓如故十五日白  
布新衣扱上衽徒跣交手而哭故禮記問喪  
云親始死雞斯徒跣扱上衽又鄭註士喪禮  
云始死將斬衰者雞斯是也其婦人則去纓  
衣與男子同不徒跣不扱衽喪服小記疏  
五色者五行之音謂宮商角徵羽之聲和合  
成文不亂也而云五色因五行之色別廣以  
明義也

五音之次以宮最濁自宮以下則稍清矣君

臣民事物亦有尊卑故以次配之商是金金

以決斷爲

此處疑脫一字

臣事君亦以義斷爲賢矣

角屬春春時物生衆皆有區別亦象萬民衆多而有區別也徵屬夏夏時生長萬物皆成形體事亦有體故以徵配事也羽屬冬冬物聚則成財用冬則物皆藏聚於財相類也宮聲所以散者由君驕也君驕則萬物荒散也商聲所以傾邪者由臣官壞也官官壞則物皆傾邪也角聲所以亂者由民不安業有憂

愁之心也民無自怨皆君上失政故下民生  
怨也徵所以亂者由民勤於事悲哀之所生  
也危者謂身不安也羽所以不安者由君亂  
於上物散於下故知財乏不能得安故有匱  
乏也前是偏據一亂以爲義未足以滅亡今  
此以五者皆亂故滅亡無日矣滅者絕也亡  
叛也無日言無復一日也若君臣互相陵慢  
如此則國必叛滅旦夕可俟無復一日也  
鐘聲爲兌石聲爲乾絲聲爲離竹聲爲震鼓

聳爲坎但釋五音八卦屬四方四維之音所  
感皆應與四方同所以應同者四維處四方  
之間四方皆五行可生水生木匏同竹音木  
生火木音同絲火生土土不常於方土生金  
土處金火之間土音屬金金生水石不可屬  
於水故不同於革而不同者以乾爲君父君  
父之音不可屬於人故不同於革而磬別有  
所感乾爲天坤爲地天旣不屬人坤所以不  
別出者爲坤卑故也

並樂記疎

孤不悉絺冕若王者之後及魯之孤則助祭用絺冕若方伯之孤助祭則玄冕以其君玄冕自祭不可踰之也

雜記疏

王社在藉田王自所祭以供粢盛

祭法疏

三微三正也言十一月陽氣始施萬物動於黃泉之下微而未著其色皆赤赤者陽氣故周以天正爲歲色尙赤夜半爲朔十二月萬物始牙色白白者陰氣故殷以地正爲歲色尙白雞鳴爲朔十三月萬物始達其色皆黑



人得加功以展其業夏以人正爲歲色尙黑  
平旦爲朔故曰三微王者奉而成之各執其  
一以改正朔也

後漢書陳  
寵傳注

社稷同四望其玉蓋同也以圭銳首象土生  
物

自顓頊以來命南正重司天火正黎司地故  
重黎之後世掌天地官號曰羲和唐堯受之  
方置天地四時之官命羲和之後使復舊職  
而掌天地之事又分命羲仲羲叔和仲和叔

使主四時爲六卿之佐及其末年舜攝百揆  
改地官爲司徒秋官爲士冬官爲司空春官  
爲秩宗故尙書曰乃命羲和欽若昊天分命  
和仲邳叔等使主四時之事又云百姓不親  
五品不遜契爲司徒敬敷五教地官之事也  
皋陶作士五刑有服秋官之任也禹作司空  
以平水土冬官之職也伯夷爲秩宗典朕三  
禮此春官之所司也

夫百王不同各置官禮爲禪讓相傳者亦不

得不改但所以改者少非禪讓之世者變易  
必多以革人視聽所以禪讓不改多者以禪  
讓道同人未爲弊故不改者多非禪讓之世  
須變人情故必多改故王者之興必有改官  
之禮此周禮所興之意也

並通典

五行之官也本正曰勾芒者物始生皆勾屈  
而芒角因用爲官名也火正曰祝融者祝甚  
也融明也言夏時物氣甚明也

御覽

夏大也謂萬物長大也夏謂南方南任也

四月立夏爲節者夏大也至此之時物已長大故以爲名小滿爲中者物之生長小得並滿故以小滿爲名也

五月芒種爲節者言時可以種有芒之穀故以芒種爲名夏至爲中者至有三義一以明陽氣之至極二以助陰氣之始至三以明日行之北至故謂之至

夏至一段  
又見類聚

六月小暑爲節者此以相形爲名形大暑故謂之小暑六月之初暑熱未極故以小爲名

天暑爲中者自十一月一陽爻上從地而出  
至此之時方始上徹陽氣併出以上大暑旣  
極故暑爲中

秋日庚辛者庚更也辛新也言物皆更改而  
新也

七月立秋秋之言湫縮之意陰意出地始殺  
萬物故以秋爲節名

一見  
類聚

九月寒露爲節者九月之時露氣轉寒故謂  
之寒露節霜降爲中露變爲霜故以爲霜降

壬癸者壬任也癸揆也言萬物更任生  
黃泉皆有法度也

月立冬爲節者冬終也立冬之時萬物終  
因爲節名小雪爲中者氣敍轉寒雨變成

雪故以小雪爲中

立冬一段  
又見類聚

十一月大雪爲節者形於小雪爲大雪時雪  
轉甚故以大雪名節

十二月小寒爲節者亦形於大寒故謂之小

言時寒氣猶未是極也大寒爲中者亦形於  
小故謂之大十一月一陽爻初起至此始徹  
陰氣出地方■寒氣併在上寒氣之逆極故  
謂大寒也

東岳謂之岱者代謝之義陽春用事除故生  
新萬物更生相代之道故東爲岱也南岳謂  
之霍霍者護也言陽氣用事盛夏之日護養  
萬物故以爲稱

夏至之時祭崑崙之神於澤之中配於后

九月人享帝於明堂之中孝經云宗祀文王於明堂是也

冬至日祭天於圜丘玉用蒼璧牲用玉色樂用夾鐘爲宮樂作六變

一見類聚

祭六宗之禮寒暑有往來之期可退則祭禳卻之命退應至而不至則祭求之命至故春則送寒而迎暑秋則送暑而迎寒

周祫以秋者萬物新成可以奉薦宗廟故合先祖之神而祭之故祫宜在秋也



天子諸侯宮寢之制若春氣三月之中居正  
寢退息之時常居東北之寢三月之末土王  
之日則居中寢夏之三月則居東南之寢秋  
之三月則居西南之寢冬之三月則居西北  
之此三時後土王之日亦各居中寢以從

時古入昊

學者干戈之舞得從春夏羽籥之職得  
冬四事之中有文有武故得分之  
及五精之帝圭璧皆長尺二寸

禮圖

又案宋史聶崇義傳引靈恩三禮義宗曰昊天及五精帝圭璧琮璜皆長尺二寸以先十  
二時祭地之琮長  
十寸以效地之數

天有四和崑崙之四方其氣和暖謂之四和  
天運左轉一日一夜轉過一度日月在行於  
天而轉一日一夜市於四和

困學紀聞

明天有三百六十五度義立表於經緯之  
中又置儀之表於中表之南正當於經上然  
後從中表之北以候星之光

玉海凡首題明某某義俱錄

本書

舊目

民國甲戌

建康恩三禮義宗

二江都朱氏

歲星者東方蒼龍之宿五星之首在天右行  
十二歲一周天大歲者歲星之神法五行亦  
十二歲一周於地

星分所主各有由序晉屬實沈者高辛之子  
主祀參星宋屬大火者閼伯之墟主祀大辰  
齊屬玄枵者逢公託食其餘國非所悉九州  
之中國數非一是以吳越同次燕陳共分一  
歲者依中氣一周以爲一歲年者依日月十  
二會以爲一年中朔大小不齊故有歲年

異

天子視朔之服諸侯受朔於天子於祖廟告而受行之天子受朔於天宜於明堂告帝而

配以祖考

按玉海引唐會要云三禮義宗並無天子每月告朔之事

明天子諸侯門數義 周禮天子有九門法

陽九之義宮門有五法五行外門有四法四時合爲九門一曰關門二曰遠郊門三曰近郊門四曰國門五曰臯門六曰庫門七曰雉門八曰應門九曰路門皆從外而數故月令

曰天子九門磔攘也臯門者王宮之外門臯之爲言高也謂其制高顯也庫門因其近庫卽以爲名也雉門雉施也其上有觀闕以藏法故以施布政教爲名也周禮曰乃垂治象之法於象魏闕也應門應接諸侯羣臣常在此門之內也路門路寢之門也諸侯七門一曰闕門二曰遠郊門三曰近郊門四曰國門五曰臯門六曰應門七曰路門魯以周公之故雉門兼天子應門之制庫門兼天子臯門

之制

天子諸侯朝位義 天子路寢門有五其最

外者曰臯門二曰庫門三曰雉門四曰應門

五曰路門路門之外則路寢也

按此端以朝門爲次以上

九門義本義參○又此下接引寢門之

曰外朝朝有三槐云云具見後條不贅

周禮天子諸侯皆有三朝一曰外朝二曰中

朝三曰內朝其中朝之名或內或外若據外

朝而言謂之內朝故鄭注文王世子云諸侯

外朝一內朝二是也三朝之最外爲外朝是

決獄聽訟之朝也中朝者人君旦夕視政見卿大夫之朝也所謂辨色而入者在此朝也內朝者路寢也人君視政退而居於此待諸侯之復逆也視卿大夫退然後適燕寢所謂大夫夙退無使君勞在此朝也諸侯三朝路寢外內朝中朝在路門之外外朝在應門之外天子皐門內有外朝面有三槐左右各有九棘近庫門則有三府九寺庫門之內則有宗廟社稷雉門之內有兩觀觀外亦有詢臺

之朝在宗廟社稷之間雉門外有百官宿衛  
省也應門之內有中朝中朝東有九卿室是  
九卿治事之處故考工記云外有九室九卿  
治之朝畢則入而治事夕則歸於庫門外外  
朝之法朝有疑獄王集而聽之

每朝列位所向不同其三公之位常北面不  
變者以三公內臣位尊故屈之其餘諸侯孤  
卿大夫皆以地道尊右故尊者東面卑者西  
面於外朝諸侯東面於內孤卿東面

時無諸侯故也

民國甲戌

崔靈恩三禮義宗

二

西江都朱氏



惟詢事之朝非常朝之限故不與三朝同若  
時會殷同方嶽之下爲宮壇見諸侯之法其  
位皆如明堂之位天子宮方一千二百步三  
分二爲路寢之前一爲路寢之後自臯門至  
路門凡五門相去之數未聞路寢之前至臯  
門凡五門之間合八百步爲三朝皆方百步  
故用市朝皆百步路寢以後四百步爲寢室  
諸侯三朝臯門至路寢相去六百步自路寢  
以前爲三朝各一百步

明天子朝燕之服天子皮弁素衣素裳爲  
蜡祭之服黃衣黃冠臘祭先祖息田夫之服  
京衣朱裳燕居之服韋弁卽戎之服此四服  
非時朝燕無常故不入九服按下辨章數法  
象一條末云京  
衣朱裳燕樂之服非廟祭之服故不入九服  
之數韋弁戎服亦不入吉服之例文義與此  
畧同姑  
不復錄

明周禮六服旂章義大裘其服無章其冕  
無旒天道至尊難可比擬舍其雕飾服以其  
質袞冕之義以龍爲目龍體九星故以九爲

終

陽爻九故王服有九陰爻六故后服惟六天子九服祭服有六王后六服祭服有三陽色尙文故有章數等級之別陰色尙質故無殊章之品

辨章數法象之理 十二章法天之大數虞之服也九章者法陽數之極周之服也周禮王吉服有九后吉服有六九服者何一曰大裘而冕二曰衮冕三曰鷩冕四毳五絺六京

六者祭祀之服也皮弁素積玄衣素裳緇衣  
玄端此又三服所謂吉服有九

王度記云玉者象君子之德

明天地歲祭義 京受地記云崑崙東南五  
千之地謂之神州

三正記曰三王各以正月祭天南郊日用上  
辛

內傳云天子奉玉升柴

鄭玄謂天有六名歲有九祭王肅謂天惟有

一歲有二祭靈恩謂宜從鄭

凡祭天神有二玉禮神者訖事却收祀神者與牲俱燎今國家郊祀天地祀神之玉常用禮神之玉則無請下有司求良玉造蒼璧黃琮等九器訖則藏之其燎玉依常制從之

宗廟之數先儒所釋不同一謂天子自古以來皆立七廟一謂天子自古惟立五廟周世立七廟尙書言殷立七廟禮緯云唐立五廟王制云夏五廟鄭玄從五廟之義王肅從七

之義唐虞夏三代皆立五廟謂二昭一  
與始祖而五禮緯云唐五廟夏四廟至子孫  
而五殷五廟至子孫而六周六廟至子孫而  
七三昭三穆與太祖之廟而七

王者諸侯所以爲社爲萬民求福拜功之道  
也無土不立無穀不生故立社稷則祭之春  
則求之秋則拜之故月令云仲春之月擇元  
日命民社孝經援神契云仲秋穰禾拜祭社  
稷

社神用石以土地所生最實故也

舞樂之始興於黃帝

禘樂用夾鐘爲歌奏以無射之調

堂下之樂以鐘爲重故舉鐘而言堂上之樂以人聲爲貴故以歌爲稱言歌者知是堂上之音稱奏者知是堂下之樂

凡樂九變者舞九終八變者舞八終六變者舞六終終成也

凡樂之變數皆用宮之本數爲終黃鐘在子

數九故九變而終夾鐘在卯數六故六  
而畢林鐘在子數八故八變而止凡樂以辰  
數爲終均者取其中聲之調各得依其辰始  
之音凡用十二調而作者各用本數爲樂終  
非獨此三者也

自虞以上其名以制典籍所不詳

虞氏之學名庠庠養也所以養國之子弟使  
成雋德虞殷貴在近郊故大學在西教學之  
道貴在成德西方成就之鄉周制但西郊置



虞庠小學

夏學名序者次序先王之道而學之夏周貴在於國故大學在東教國子弟使之長益東方陽位有生長之道故貴在宮之左周又以夏序爲六遂之學夏殷謂之秀士周禮謂之賢能

殷學爲瞽宗者宗尊也瞽無見之稱譬童蒙無有所識又樂官也武王之時猶從殷法立學故小學在東左射狸首右射騶虞自殷以

前王者之學無辟廱類宮之名

自虞至周凡四代之學虞夏及殷各立其學  
周則兼而立之有虞大學爲上庠小學爲下  
庠夏后氏大學爲東序小學爲西序殷大學  
爲右學小學爲左學周大學爲東膠小學爲  
虞庠此四代之學名也王者相變是以立學  
之名互有不同至於爲學之制凡有二義一  
學之制與明堂同體五室四堂其一基之上  
東堂謂之東學南堂謂之南學西堂謂之西

學北堂謂之北學中央謂之大學二義云凡  
立學之法有四郊及國中在東郊謂之東學  
在南郊謂之南學在西郊謂之西學在北郊  
謂之北學在國中謂之大學故鄭注祭義云  
周有四郊之虞庠也禮保傅篇曰帝入東學  
尙親而貴仁入西學尙賢而貴位入南學尙  
齒而貴信入北學尙貴而貴爵入大學承師  
而問道以魏文侯孝經傳云大學者中學也  
帝入學者皆謂養老之時故王制虞養國老

於上庠養庶老於下庠夏養國老於東序養  
庶老於西序殷養國老於右學養庶老於左  
學周養國老於東膠養庶老於虞庠此四代  
養老之法故言尙親貴賢尙齒尊爵之義也  
庠之言養也序者次序也明次序先王之道  
而學之瞽宗學官也膠之言糾也所以糾錄  
學士使成其德然天子之學者所以行禮樂  
宣教化於天下使之成德又養三老五更與  
諸侯行禮之處謂之辟廱辟雍者蓋園若壁

雍之以水取流而無極使學者進德而不已  
亦謂辟者明也雍者和也明此學中非但教  
學亦所以明政教故王制曰天子之學曰辟  
雍諸侯之學曰頤宮然置學之處四代不同  
或尙於西或貴在國或貴在郊此隨代取法  
所尙不等是以鄭注王制曰上庠右學大學  
也在西郊下庠左學小學也在國中東序東  
膠亦大學也在國中王宮之東西序虞庠亦  
小學也在西郊虞商貴在於郊故大學注曰

夏周貴在於國故大學在東周人立小學於西謂之虞庠者以其制似有虞之庠故因以名武王之時猶從殷法小學在東及周公制禮移小學在西然則周之制法凡有五學俱立三代之大學而不立三代之小學所以知其然者文王世子云學舞於東序學禮於瞽宗學書於上庠此大學也皆是三代之大學而無下庠西序小學之文王制云周之養國老於東膠養庶老於虞庠此其二學故云有

五學周之虞庠在西郊者祭義云祀先賢於  
西學所以教諸侯之德也鄭注云西學周小  
學也似有虞之庠制故云虞庠在西郊然則  
周制凡五學

內則云人君之子十年出就外傅傅者教學  
之官文王世子云立大傅少傅以養之然則  
未入學時已有傅矣是以內則云出就外傅  
謂就外室而受教也外室在虎門之左師氏  
之旁而築宮焉卽謂異宮也至年十三則入

小學小學者周在西郊之虞庠十五則人大  
學謂入於東膠之等小學之時則大傳在前  
少傳在後當入學之時國之子弟亦從學焉  
至在休息還返別宮居宿出入則受師保之  
訓故云入則有保出則有師謂燕出入時也  
教喻成德由有二傳師保之訓師保但明德  
義之術出入前後教道而已非執經者也在  
小學習經典皆受之於執經者入大學亦從  
受詩書禮樂之業至於崇尚其術皆大樂正



所爲鄭注父師司成則大司成也周禮則師氏之官也

周人又以虞氏之庠爲六卿之學夏后氏之序爲六遂之學亦以序爲黨學謝爲州學鄉學在郭外之郊遂學在遠郊之上儀禮云州學名豫鄭注云豫宜從謝州立謝者下鄉學也今文豫爲序序乃夏學非也周禮州學爲序者字之誤也庠序制有室豫制無室諸侯之子亦以十年出就外傳學書計於外在公

宮之右路門之外正朝之東別立宮焉而宮有二

魯立三代之學其餘諸侯但立時王之學而已周之諸侯所立之學皆曰頌宮故曰頌宮周學也

四時入學不及先聖天子視學乃祭先聖

周制天子六鄉六遂諸侯大國三鄉三遂小國一鄉一遂鄉及遂各萬二千五百家鄉內則立比閭族黨州鄉之名遂內則立鄰里鄣

鄙縣遂之名俱有六等異其屬官之名者別  
內外也然居郊之內而非鄉民者謂之廛里  
邑之士居郊之外而非遂民者謂之公邑鄙  
之人六鄉六遂及公邑之法則不爲井田都  
鄙采地之制則爲井田遂人所造溝澮者是  
鄉遂之制小司徒所造井甸者采地之法

兵賦義 鄭注周禮軍旅之數云此先王因

農事而定軍令也天子有六鄉六遂故有十  
二軍諸侯三鄉三遂故有六軍次國二鄉二

遂故有四軍小國一卿一遂故有二軍鄉爲  
正軍遂爲副倅故云天子六軍諸侯大者三  
軍次者二軍小者一軍皆據正軍而言不數  
副倅

周禮天子畿內稅民之法有二一曰貢二曰  
賦貢謂有職任而收其稅賦者計其可任而  
口率其錢諸侯貢稅雖俱什一而郊內郊外  
收籍不同

儀禮者周公所制吉禮惟得臣禮三篇凶禮

得四篇上自天子下至庶人其禮同等餘三篇皆臣禮賓禮惟存三篇軍禮亡失嘉禮得

三篇

並玉海

自周以前封者皆封土爲壇至秦皇漢武則皆周石檢

若以書傳中侯文依三正記推之則三皇五帝之所尙可得而知也以周八代殷周天正而尙亦殷人代夏用地正而尙白首以公正代舜而尙黑則知虞氏之王當用天正而尙

赤陶唐氏當用地正而尙曰高辛氏當用人  
正而尙黑高陽氏當用天正而尙赤少皞氏  
當用地正而尙白黃帝當用人止而尙黑炎  
帝當用天正而尙赤共工氏當用地正而尙  
白大皞氏當用人正而尙黑

唐虞五載巡狩一嶽二十年方徧四嶽周則  
四十八年矣若一出四嶽皆徧且闕四時祭  
享唐虞衡山爲南嶽周氏霍山爲南嶽其制  
日行五十里若以二月到東嶽五月到南嶽

八月到西嶽十有一月到北嶽路途遙遠固不必及此知每至一嶽卽歸斯義爲長也

十有二歲王巡狩南國取歲星一周天道之備數

古者諸侯朝天子四時禮外有朝會殷同之法殷同者王不巡狩十二年則六服諸侯名當方面來赴四時見王也殷衆也四方諸侯

衆來見王

並通典

饗者殺柔於俎行一獻之禮坐而飲酒以至

辨

路史引作雷醉

有虞氏帝道引大故養老以

燕禮饗則醴薦而不食爵盈而不飲依尊卑而爲獻取敬卑而己夏既受禪於虞是三王之首貴尚於禮故養老以饗禮相尊故也食者不飲酒饗大牢以禮食之殷人質素威儀簡少故養老以食禮

王制

凡天子進御之義從后而下十五日徧其法自上而下象月初生漸進至盛法陰道也然亦不必以月生日爲始但法象其義所知其



如此者凡婦人陰道晦明是其所忌故古之  
君人者不以月晦及望御於內晦者陰滅望  
者爭明故人君尤慎之春秋傳曰晦淫惑疾  
明淫心癡以辟六氣故不從月之始但仿月  
之生耳其九嬪以下皆九人而御八十一人  
爲九夕世婦二十七人爲三夕九嬪九人爲  
一夕夫人三人爲一夕凡十四夕后當一夕  
爲十五夕明十五日則后御十六日則后復  
御而下亦放月以下漸就於微也諸侯之御

則五日一偏亦從下始漸至於盛放月之  
義其御則從姪娣而迭爲之御凡姪娣六人  
當三夕二媵當一夕凡四夕夫人專一夕爲  
五夕故五日而徧至六日則還從夫人如  
之法孤卿大夫有妾者二妾當一夕內子專  
一夕士有一妾者但不得專夕而已妻得專  
夕凡九嬪以下女御以上未滿五十者悉  
進御五十則止后及夫人不入此例五十猶  
御故內則云妾年未滿五十必與五日之御

則知五十之妾不得進御矣卿大夫士妻妾  
進御之法亦應如此也

齊東野語

尙書禋于六宗禋有三義禋者煙也潔也精  
也煙者燔柴升煙于天以氣聞達潔取淨潔  
以表無穢之理精取祭者精勤之意六宗之  
神先儒所釋義各不同義雖不同亦各有通  
孔光劉歆謂六宗者乾坤之六子取水火雷  
風山澤能生萬物故禋祀以報謂之六宗馬  
融難云凡八卦者所以生育萬物若祭卦神

祭八卦豈但祭六以非八卦也意謂劉孔  
意所以但六者以子不能成父之業故生  
之功由於六子合據成功而報故舍乾坤  
而不祭也鄭云宗者星辰司中司命風師雨  
師此謂六宗也王肅難云星則五緯之星合  
位辰則十二月之會次又合爲一位名實  
不相副也司中司命文昌第五第四星而別  
爲兩位文昌之星獨分爲二五緯之宗所主  
各異合而爲一義有不安尋鄭本意以五星

二大各共成功故合爲一司中司命所司  
二不共成功故分爲二王肅六宗亦以四  
共成歲功得合爲之一宗鄭以十二次五  
空各共成歲則何以不得各合爲一王此難  
通義也

山堂  
考索

一恪之義有三說焉一云二王之後更立三  
八之後爲三恪此據樂記武王克商未及下  
車封黃帝堯舜之後及下車封夏商之後通  
用六代之樂二云三王之前但立一代通

二王爲三恪此據左傳封胡公以備三恪明  
王者所敬先王有二更封一代以備三恪存  
三恪者所敬之道不過於二以通三正三云  
二王之後爲一恪妻之父母爲一恪夷狄之  
君爲一恪此據王有下臣者三而言之凡此  
三義以初爲長何者禮記郊特牲云存二王  
之後尊賢不過二代又詩序云二王之後來  
助祭又春秋公羊說曰存二王之後所以通  
三正以上皆謂二王之後通三恪之文若更

立一代通備三恪者則非不過二代之意左  
傳封胡公以備三恪者謂上同堯舜黃帝下  
同殷夏爲三恪也

通典

周公制禮用六代之樂四時祭祀分而用之  
祭之尊卑凡有六等故用六代之樂以六代  
之樂配十二調而作之一代之樂則用二調  
遠取黃帝者以舞樂之始興於黃帝奏者謂  
堂下四垂鐘聲之調歌者謂堂上琴瑟之音  
但一祭之中皆自爲二調庭奏者常以陽聲

不調升歌者常以陰禮爲聲周人用六代之  
樂祭天雲門地以咸池宗廟以大磬不用時  
王之樂以三樂其道最美故三祭用之宗廟  
加九德之歌彰明先祖之德也大蜡盡天地  
四方之神而祭之其樂亦盡用四時之調凡  
四方十二辰則有十二律陰陽相配二道共  
作一代之樂故爲六樂大蜡之祭則盡用之  
合天地四方之神合六代之樂故終不過六

周禮注疏刪翼



四圭有邸象四方物之初生以璧爲邸者取其初生之圓匝也

諸侯爲學之法但一堂之上不爲五室唯南向爲之置立之處一如時王之法貴是同並通

典

黃帝深究物情始垂衣裳以化天下當是時素風尙近惟白布深衣齊則緇之蓋以黃帝有也大戴禮孔子云黃帝黼黻衣大帶黼裳乘龍駕雲勤勞心力耳目是也

古者衣被卽服製也特衣裳未辨羲炎以來  
裳衣已分至黃帝而袞章大立非謂始衣服  
也

禮記史  
後紀

公卿大夫助祭之日所著之服降王一等餘  
悉與王同

禕衣后從王祭先王則服之揄狄從王祭先  
公則服之闕狄饗諸侯則服之鞠衣以采桑  
則服之展衣以禮見王及見賓客則服之祿  
衣燕居則服之王后無助祭天地故自先王

以下王后不助祭天地四嶽故無助祭天地

及四望之服

並文苑  
英華

二王後夫人各以本國盛服侯伯夫人則服  
揄狄子男及三公大夫夫人服闕狄

二王後各得行其先王之禮尸各服其君之  
服尸君夫人皆作樂殷人先樂降神後酌鬱  
鬯以獻尸方伯之祭同服冕行九獻之法不  
得同二王後食前六獻食後三當食前四至  
酌爲五更行四獻爲九也王之兄弟封爲侯

伯時祭則尸坐南面主在東面侯伯則行七獻之禮子男則行五獻皆依其命數凡五等之爵自祭皆用玄冕未賜圭瓚者則以鬱鬯直以酒灌神也凡諸侯灌用黃目爲上齊則獻象以下尸如君服以入奏肆夏君與夫人灌各一獻然後迎牲麗於碑鸞刀啟其血毛以授祝祝入詔於室及殺始行朝踐之事尸南面主坐西東面取胙膋燎於爐炭入詔神於室夫人酌盎齊以獻尸爲三獻至薦熟先

以羹告設饌於堂後迎尸於奧君安尸酌清  
以獻爲四獻至醕五獻酬酢至七獻禮成並通

典

王后三翟數皆十二諸侯夫人三公而下大

夫雉數如命數

山堂  
考索

重翟后從王祭先王先公所乘也

舊堂  
書

厭翟后從王饗諸侯所乘也

冊府  
元龜

安車后宮中朝夕見於王所乘也輦車后游

宴所乘也

文苑  
英華

口赤草也可以染絳爲服以別尊卑王者

斃德有常則應德而生

路史  
餘論